

四庫全書薈要

• 乾隆御覽本

子部

欽定四庫全書薈要

子部
管子卷十一

詳校官主事臣陳本




管子卷十一

唐 房玄齡 註

君臣下第三十一

短語五

古者未有君臣上下之別未有夫婦妃匹之合獸

處羣居以力相征

若野獸之處以羣而於是智者

詐愚彊者凌弱老幼孤獨不得其所故智者假衆

力以禁強虐而暴人止

聖王者即為民興利除害正

民之德正人之而民師之師者智也是故道術德行出

於賢人賢人知道術其從義理兆形於民心則民

反道矣道術既出故莫不從義而順理理之極則無妄僻之事始見於人心則人無不道矣

名物處違是非之分則賞罰行矣人既反道故以正其善惡之物

處其背理之違則為是非者自分矣上下設民生

體而國都立矣上下既設人則生其貴賤之禮故國都立也是故國之

所以為國者民體以為國貴賤成禮方乃為國君之所以為

君者賞罰以為君無賞罰則君不足貴致賞則匱致罰則虐罰而

無節財匱而令虐所以失其民也是故明君審居

處之教而民可使

人從教故可使

居治戰勝守固者也

居處

既治戰則勝守則固

夫賞重則上不給也

賞重則費用多故不給也

罰虐

則下不信也

令虐則人無所措手足故不信也

是故明君飾食飲

弔傷之禮

飲食謂享燕傷謂喪祭也

而物屬之者也

禮行則是物親也

是

故厲之以八政

八政謂洪範之八政

旌之以衣服

衣服所以表貴賤也

富之以國褻

褻謂財貨所苞褻而藏也

貴之以王禁

禁令行然後知常者

之可則民親君可用也民用則天下可致也天下

道其道則至

君得名道則天下至

不道其道則不至也夫水

波而上盡其搖而復下其勢固然者也

言水波湧而上既盡其勢

還復搖動歸下而止此自然之勢喻人懷德而來畏威不去者也

故德之以懷也威之

以畏也則天下歸之矣有道之國發號出令而夫婦盡

歸親於上矣布法出憲而賢人烈士盡功能於上矣千

里之內束布之罰

束謂帛也布謂錢也古者罰刑或令出錢帛也

一畝之賦盡

可知也

賢人為之視聽故無不知

治斧鉞者不敢讓刑

讓猶拒也當其罪不敢讓刑也

治軒冕者不敢讓賞

賞當其功故不讓也

墳然若一父之子若

一家之實義禮明也

墳順貌或刑賞之莫敢違逆若子之從父家之從長如此者禮義明

故夫下不戴其上臣不戴其君則賢人不來

上下不交則賢人隱

賢人不來則百姓不用

百姓無賢人則不知所歸故百姓不用也

百姓不用

則天下不至

百姓不用則天下無邦將何至哉

故曰德侵則君危

君德見侵

不危論侵則有功者危

論議侵理則功過不明故有功者危

令侵則官危

令侵則法不行故官危也刑侵則百姓危

刑侵則無辜受戮故百姓危也

而明君者

審禁淫侵者也上無淫侵之論則下無冀幸之心矣為

人君者倍道弃法而好行私謂之亂為人臣者變故易

常而巧官以諂上謂之騰亂至則虐

騰謂凌駕於君騰至則北

勝至則摧降故敗北

四者有一至敗敵人謀之

四者則上之四危也

則故施

舍優猶以濟亂則百姓悅

言施恩厚舍罪罰二者優厚雖非用法猶能濟亂故百姓

悅之

選賢遂材而禮孝弟則姦偽止

遂達要淫佚別男女

則通亂隔

要謂遮止之也言能止淫佚別男女則雖先通亂令能隔阂也

貴賤有義倫

等不踰則有功者勸國有常式故法不隱則下無怨心

隱謂伏而不行

此五者興德匡過存國定民之道也夫君人者

有大過臣人者有大罪國所有也

國之所

民所君也

民者

已之有國君民而使民所惡制之此一過也言民惡君之制已此

亦君之過民有三務不布其民非其民也三務謂春夏秋務農人不務三則餓

餓成變故民非其民也民非其民則不可以守戰此君人者二過

也夫臣人者受君高爵重祿治大官倍其官遺其事穆

君之色穆猶悅也從其欲阿而勝之阿曲也巧言令色委曲從君至於動也剛漸以

勝之其終或至於篡殺故曰阿而勝之也此臣人之大罪也君有過而不改

謂之倒臣當罪而不誅謂之亂君為倒君臣為亂臣國

家之衰也可坐而待之是故有道之君者執本相執要

大夫執法以牧其羣臣羣臣盡智竭力以役其上

謂給上之

役也四守者得則治易則亂故不可不明設而守固

明設上四

法固而守之

昔者聖王本厚民生審知禍福之所生是故慎

小事微違非索辯以根之

謂有違非必尋索分辯得其根而止之也

然則躁

作姦邪偽詐之人不敢試也

不敢為非以嘗君

此禮正民之道

也

制禮者用此道以正人也

古者有二言牆有耳伏寇在側牆有耳

者微謀外泄之謂也伏寇在側者沈疑得民之道也微

謀之泄也狡婦襲主之請而資游慝也

襲入也謂狡婦妖蠱人主遂行

請謁所請既從外資
游說為姦慝者也沈疑之得民也者前貴而後賤者

為之驅也
所驅役之人前得貴寵今忽淪賤然賤者必思貴常伺君以興禍故謂之伏寇也明

君在上便僻不能食其意
便僻者不能諂君以得意故曰不能食其意也刑罰

亟近也
既不能得君意故刑罰數也大臣不能侵其勢
不能侵君之勢比黨

者誅明也
君明故此為黨者誅之為人君者能遠讒諂廢比黨淫悖

行食之徒
行食無爵列於朝者此止詐拘姦厚國存身游食

之道也為人上者制羣臣百姓通中央之人
中央之人謂君

之左右也左右
左右之人在與君和之也是以中央之人臣主之叅
左右之人在臣主之間叅

會其事者也

制令之布於民也必由中央之人中央之人以

緩為急急可以取威

君雖曰緩左右行之乃為急故能取威也

以急為緩緩

可以惠民

君雖曰急左右行之為緩故能惠人

威惠遷於下則為人上者

危矣賢不肖之知於上必由中央之人財力之貢於上

必由中央之人能易賢不肖而可威

實賢謂之不肖實不肖謂之賢故曰

易賢不肖也

黨於下有能以民之財力上陷其主而可以為

勞於下

用人財力上以陷主即於下以為勞

兼上下以環其私

上則擅君之柄下則

用人材力上下之利皆用遼身故曰環其私也

爵制而不可加則為人上者危

矣

勢既凌君故爵制不能加也

先其君以善者侵其實而奪之實者

也

先君行善則是侵君之賞奪君之富實也

先其君以惡者侵其刑而奪之

威者也訛言於外者脅其君者也

假說妖妄之言以惑衆如此者欲脅君也

鬱令而不出者幽其君者也

鬱塞也君之令而不出行者將欲幽君也

四者

一作而上下不知也則國之危可坐而待也神聖者王

仁智者君武勇者長此天之道人之情也天道人情通

者質寵者從此數之因也

質主也能通於天道人情者可以為主其不能通但寵貴

之者可以為從謂臣也言臣主數因此通而立也

是故始於患者不與其事親

其事者不規其道

言初始謀慮而憂患者乃行其事
令人為之而不自預此謂君也

是

以為人上者患而不勞也百姓勞而不患也君臣上下

之分素則禮制立矣是故以人役上

人謂百姓百姓勞
其身供上之役也

以力役明

謂臣勤力役用
其明而理職位

以刑役心

刑法也君則役
心以出法制也此

物之理也心道進退

心則度量可
不故進退也

而刑道滔赶

滔謂充
也赶謂

逡巡曲也設法有
當不故有合成也

進退者主制

君心進退所
以主為制今滔赶者主

勞主勞者方主制者圓

君臣之道主得制者
其事必有方有圓也

圓者運運

者通通則和

而圓謂君道也圓而不滯必運
而無礙通者必暢故和之也

方者執執者

固固則信

方謂臣道也方而有常故執而不舍則固固而不妄則信也

君以利和道

和則利也

臣以節信

臣則守節

則上下無邪矣故曰君人者制仁

臣人者守信此言上下之禮也君之在國都也若心之

在身體也道德定於上則百姓化於下矣戒心形於內

戒慎之心成形於內

則容貌動於外矣正也者所以明其德

必正然後

明知得諸已知得諸民從其理也

於已既不失於人必不妄如此者從理故

也知失諸民退而修諸已反其本也

有失於人必修已自責如此者反其

本所求於已者多故德行立

求已多者必進德修業故德行立也

所求於

人者少故民輕給之

求人者少必薄賦
歛故人輕於給也

故君人者上注

臣人者下注上注者紀天時務民力

上注謂注意於上
天故紀要天時務

全人下注者發地利足財用也

下注謂注意於下地故
發興地利足於財用也

故能飾大義審時節上以禮神明下以義輔佐者

所用
輔佐

皆得
其宜

明君之道能據法而不阿上以匡主之過下以振

民之病者忠臣之所行也明君在上忠臣佐之則齊民

以政刑牽於衣食之利

君明臣忠則國理國理則人重
生故人皆以養其形而牽繫於

衣食之
利也

故愿而易使愚而易塞

塞止也易
用法止也

君子食於道

小人食於力分民

食道力不同故曰分民也

威無勢也無所立

勢然必有

後有

事無為也無所生

必有為然後有所生

若此則國平而姦省

矣

君子小人既食於道力邪惡之人復無所立生故國平而姦省

君子食於道則義審

而禮明

義不審則無所食也

義審而禮明則倫等不踰雖有偏卒

之大夫不敢有幸心則上無危矣

國既明禮義倫等不踰雖有大夫偏獨出

伏罪而怨不敢有幸亂心

齊民食於力則作本作本者衆農以聽命

是以明君立世民之制於上猶草木之制於時也

草木必得

時然

故民迂則流之

人太迂曲不行則流通之

民流通則迂之

人太流蕩

則迂決之則行塞之則止雖有明君能決之又能塞之

決之則君子行於禮塞之則小人篤於農君子行於禮

則上尊而民順小民篤於農則財厚而備足上尊而民

順財厚而備足四者備體謂備具而成體頃時而王不難矣四

肢六道身之體也四肢謂手足也六道謂上有四竅下有二竅也四正五官國

之體也四正謂君臣父子五官謂五行之官也四肢不通六道不達曰失

四正不正五官不官曰亂是故國君聘妻於異姓設為

姪娣命婦宮女盡有法制所以治其內也明男女之別

昭嫌疑之節所以防其姦也是以中外不通讒慝不生
婦言不及官中之事而諸臣子弟無宮中之交此先王

所以明德固姦昭公威私也明立寵設不以逐子傷義

明立正嫡設其貴寵子不逐而廢之故不傷義也禮私愛驩勢不並倫

嫡子者所以得

重也故禮許私愛雖驩之超異可也餘子之勢終不得與之並倫也爵位雖尊禮無不行

言嫡子爵位雖復尊異必須行之以禮也選為都校冒之以衣服旌之以章

旗所以重其威也

所立之嫡必選其都雅佼好者又以美衣麗服覆習之章表旗幟旌異之

凡此皆所以重嫡子之威也

然則兄弟無間却讒人不敢作矣

嫡威重則

兄弟和故讒人無所作其讒矣故其立相也陳功而加以德論勞而

昭之以法叅伍相德而周舉之尊勢而明信之

其謂國相則功

德兩兼勞法獲美於此四者叅驗伍偶相與俱得其事既周然後舉用之既用之尊勢而明信之也是以

下之人無諫死之認

君明相賢必從說如流故無諫死之忌也

而聚立者無

鬱怨之心

聚立謂天下會同也各得其所故無怨望也

如此則國平而民無

慝矣

慝姦惡者也

其選賢遂材也舉德以就列不類無德

舉有

德者以就列位不

類舉能以就官不類無能以德奔勞不

以傷年

有德者起於上列使在有功勞者之前故曰有德掩勞苟有德雖年未至而亦將用之不以年

少為之傷也

如此則上無困而民不幸生矣

有功能必賞用之故人不以苟

生為幸也

國之所以亂者四其所以亡者二內有疑妻之妾

此宮亂也庶有疑適之子此家亂也朝有疑相之臣此

國亂也任官無能此衆亂也四者無別

無別謂妻妾嫡庶等不分別也

王失其體羣官朋黨以懷其私則失族矣

國亡則宗族隨之故曰失

族國之幾臣陰約閉謀以相待也則失援矣

為國之機臣下陰為

要結其所謀者閉而不泄以此相待人必懷疑而不相親矣故失其援也

失族於內失援於

外此二亡也故妻必定子必正相必直立以聽官必中

信以敬故曰有宮中之亂有兄弟之亂有大臣之亂有

中民之亂

中民謂百吏之屬也

有小人之亂五者一作則為人上

者危矣宮中亂曰妬紛

言積妬紛然所以亂

兄弟亂曰黨偏

黨偏則強

弱相凌故亂也

大臣亂曰稱述

各稱述其已德之長而不相讓則亂也

中民亂曰

讐諄

謂以智詐讐恐諄賢則亂

小民亂曰財匱

賦稅重則財匱故亂

財匱生薄

財不供則禮義息故薄也

讐諄生慢

不重淳賢而智詐恐讐之此其慢也

稱述黨偏妬

紛生變

此三者或生篡弑主能為大變也

故正名稽疑刑殺亟近則內

定矣

正嫡庶之名稽妻妾之疑不正者之黨數取其偏近者而刑殺之如此則黨偏妬紛之變息故內定

順大臣以功順中民以行順小民以務順用其務農也則國豐

矣

三者各稱其所順故國豐也

審天時

天時各宜也

物地生以輯民力禁

淫務

繡文刻鏤淫務

勸農功以職其無事

無事者皆令得職也

則小民治

矣上稽之以數

謂工欲有所徵發必考其定數以命之也

下十伍以徵

既得其定

數下其什伍名以徵之也

近其罪伏以固其意

日期既近尚有不供者則加之罪以權伏

之所以固鄉樹之師以遂其學

每鄉必立之師以遂之也

官之以其

能及年而舉則士反行矣

舉而有材能者則授之以官既有年矣則舉其功過而考

察之如此則稱德度功勸其所能若稽之以衆風若任

以社稷之任

既稱其德又度其功則其材能不可不知矣既知其能順而考之或使之蒞衆以立

風化其材能尤高者或授之以社稷之任者也

若此則士反於情矣

有能必任之以職故

士反於情也

小稱第三十二

稱舉也小舉其過則當權而改之

短語六

管子曰身不善之患毋患人莫已知

言但患身之不善耳無患人不

也知已丹青在山民知而取之美珠在淵民知而取之

丹青與珠各有可用之性故雖在山泉而藏人猶知而取之況在於人懷善而不知乎

是以我

有過為而民毋過命

我身有過為人必知而名之毋有過而妄命者也

民之

觀也察矣不可遁逃

有過必知故不可以遁逃

以為不善故我有

善則立譽我我有過則立毀我當民之毀譽也則

莫歸問於家矣

人既毀譽則己之善惡審矣故不復問家問家則左右佞媚者善掩其過

而飾其非也

故先王畏民

民之毀譽必當其過善故畏之

操名從人無不

強也

謂君自行善持名使之延譽故強也

操名去人無不弱也

君既行惡即是

持名去人善可稱故弱也

雖有天子諸侯民皆操名而去之則捐

其地而走矣

皆持其名而去於人則過惡日聞人共畏之故棄其地而走也

故先王

畏民

無善名則棄之走故畏人

在於身者孰為利氣與目為利

氣也

者所以生全其形目也者所以獨見
其運為功用莫大焉故最為利也
聖人得利而託

焉故民重而名遂

聖人之聖精而又神託而行善則譽滿天下故人重而名遂也我

亦託焉聖人託可好我託可惡以來美名又可得乎

我託可惡

我雖託氣濁而不神所行皆可惡用此招來美名其可得乎愛且不能

為我能也

託氣既濁雖令人愛猶不得美名況於惡之乎毛嫱西施天下之

美人也盛怨氣於面不能以為可好

嫵施雖美而面有怨氣亦不能

為可好喻聖人外見其惡亦不得美名

我且惡面而盛怨氣焉怨氣見

於面惡言出於口去惡充

所往去於人者皆以惡事充以求美名

又可得乎

喻人君既內無聖德外皆行惡必無美之名也

甚矣百姓之惡人之

有餘忌也

惡人不善更有餘忌

是以長者斷之短者續之滿者洩

之虛者實之

洩虛也長滿者人所忌故或斷之或虛之短虛者人之所好故或續之或實之也

管子曰善罪身者民不得罪也

成湯罪己故人不罪之也

不能罪身

者民罪之

桀紂罪人故人罪之

故稱身之過者強也

稱身之過即

治身之節者惠也

懷智之人然後理身節故曰惠

不以不善歸人者仁

也

不以不善之事歸之於人如此者仁也

故明王有過則反之於身有善

則歸之於民有過而反之身則身懼

過反於身則懼而修德也

有善

而歸之民則民喜

民得善故喜也

往喜民

善往則人喜也

來懼身

過來則懼

也此明王之所以治民也今夫桀紂不然有善則反之

於身有過則歸之於民歸之於民則民怒反之於身則

身驕往怒民來驕身此其所以失身也故明王懼聲以

感耳

人以惡聲懼已耳聞而感則心不敢念非

懼氣以感目

人以惡氣懼已目見而感則身

不敢造惡以此二者有天下矣可毋慎乎匠人有以感斤櫨

故繩可得料也羿有以感弓矢故彀可得中也造父有

以感轡策故馭獸可及遠道可致

彀謂射賢棲皮者也感謂深得其妙有應

於心者也天下者無常亂無常治不善人在則亂善人在則

治在於既善所以感之也

既盡也天下所以理在於君人內外盡善感之於人也

管子曰修恭遜敬愛辭讓除怨無爭以相逆也

逆迎也謂用此

恭遜等以相迎接也

則不失於人矣

遜以接人有何失乎

嘗試多怨爭利相

為不遜則不得其身

苟為不遜身尚不得況於人乎

大哉恭遜敬愛之

道吉事可以入察凶事可以居喪大以理天下而不益

也

直用恭遜敬愛足以理天下更不須益

小以治一人而不損也

雖復一身用恭

遜敬愛理之纔可足耳亦不須損也

嘗試往之中國諸夏蠻夷之國以及

禽獸昆蟲皆待此而為治亂

有恭遜敬愛則理無之則亂也

澤之身則

榮去之身則辱

恭遜敬愛身之粉澤也故在身則榮去身則辱也

審行之身毋

怠雖夷貉之民可化而使之愛

夷貉之人殘戾凶暴苟以恭遜敬愛化之可使

生愛審去之身雖兄弟父母可化而使之惡

父母兄弟恩情結固苟無

恭遜敬愛化之可令生惡

故之身者使之愛惡

之是也同是此身有恭遜敬愛則愛無之

則名者使之榮辱

同是此身之名有恭遜敬愛則榮無之則辱也

此其變名物

也如天如地

言恭遜敬愛可以變化愛惡榮辱名物之善惡如天地之生殺也

故先王

曰道

道者貴作變化也

管仲有病桓公往問之曰仲父之病病

矣若不可諱而不起此病也仲父亦將何以詔寡人管

仲對曰微君之命臣也故臣且謁之

謁謂有所告之也

雖然君

猶不能行也

恐其不從故以此言抑之

公曰仲父命寡人東寡人東

令寡人西寡人西仲父之命於寡人寡人敢不從乎管

仲攝衣冠起對曰臣願君之遠易牙豎刁堂巫公子開

方夫易牙以調和事公公曰惟烝嬰兒之未嘗於是烝

其首子而獻之公人情非不愛其子也於子之不愛將

何有於公公喜宮而妬豎刁自刑而為公治內人情非

不愛其身也於身之不愛將何有於公公子開方事公

十五年不歸視其親齊衛之間不容數日之行臣聞之

務為不久

務時為事久必發揚之也

蓋虛不長

覆蓋虛妄不得長掩謂上三士皆務為蓋

虛者其姦情

其生不長者其死必不終

其所行之行所長之性其至於

終當彰露也

死必將改復本情未有能終為意也言

三士之忠皆偽忠耳必將復其不忠

桓公曰善管仲

死已葬公憎四子者廢之官逐堂巫而苛病起兵

苛煩躁也

巫善令既逐之而公有煩苛之

病起兵妄征伐無使療之也

逐易牙而味不至逐豎

刁而宮中亂逐公子開方而朝不治桓公曰嗟聖人固

有悖乎

四子既逐而有四闕故以管仲為悖

乃復四子者處期年四子作

難圍公一室不得出

置公一室之中而圍之故不得出也

有一婦人遂從

竇入得至公所公曰吾飢而欲食渴而欲飲不可得其

故何也婦人對曰易牙豎刁堂巫公子開方四人分齊

國塗十日不通矣

既有兵難故國之道塗行旅十日不得通也

公子開方以

書社七百下衛矣

古者羣居二十五家則共置社謂以社數書於策謂用此七百之書社降

下于衛也食將不得矣

作亂欲公之死故不給之食

公曰嗟茲乎聖人之

言長乎哉

言其所見者遠

死者無知則已若有知吾何面目以

見仲父於地下乃援素幘以裹首而絕

幘所以覆軀也

死十一

日蟲出於戶乃知桓公之死也葬以楊門之扇

謂用門扇以掩

屍桓公之所以身死十一日蟲出戶而不收者以不終

用賢也桓公管仲鮑叔牙甯戚四人飲飲酣桓公謂

鮑叔牙曰闔不起為寡人壽乎

奉尊者酒祝令增壽

鮑叔牙奉

杯而起曰使公毋忘出如莒時也使管子毋忘束縛

在魯也使甯戚毋忘飯牛車下也桓公辟席再拜曰

寡人與二大夫能無忘夫子之言則國之社稷必不

危矣

四稱第三十三

謂稱有道之君無道之君有道之臣無道之臣以戒桓公

短語七

桓公問於管子曰寡人幼弱昏愚不通諸侯四鄰之義
仲父不當盡語我昔者有道之君乎吾亦鑒焉管子對
曰夷吾之所能與所不能盡在君所矣君胡有辱令言
能不皆盡之於君無所隱藏今桓公又問曰仲父寡人
何勞辱君令而使已言之乎
幼弱昏愚不通四鄰諸侯之義仲父不當盡告我昔者
有道之君乎吾亦鑒焉管子對曰夷吾聞之於徐伯曰

昔者有道之君敬其山川宗廟社稷及至先故之大臣

收聚以忠而大富之

先故之臣謂祖考時舊臣也今以忠誠收聚而調恤之令其大富也

固其武臣宣用其力聖人在前貞廉在側競稱於義上

下皆飾形正明察四時不貸民亦不憂五穀蕃殖外內

均和諸侯臣伏國家安寧不用兵革受其幣帛以懷其

德昭受其令以為法式

鄰國以幣帛來聘當取之以懷來有德其或以制令來告者則

君受之以為法式乎

此亦可謂昔者有道之君也桓公曰善哉桓

公曰仲父既已語我昔者有道之君矣不當盡語我昔

者無道之君乎吾亦鑒焉管子對曰今若君之美好而

宣通也既官職美道又何以聞惡為

言君既美好宣通官又合於美道修

而行之自可為理何須聞於惡事乎以此抑桓公欲觀其意也

桓公曰是何言邪以縑

緣縑吾何以知其美也以素緣素吾何以知其善也仲

父已語我其善而不語我其惡吾豈知善之為善也管

子對曰夷吾聞之於徐伯曰昔者無道之君大其宮室

高其臺榭良臣不使讒賊是舍

舍止也謂止讒賊於其旁與之近也

有家

不治借人為圖

言自不能理其家借他人圖也

政令不善墨墨若夜

言其

昏闇之甚也

辟若野獸無所朝處

野獸各恣意為生不相統屬故無朝處也

不修

天道不鑒四方有家不治辟若生狂

狂惑者失其性不分善惡也

衆

所怨詛

詛祝之也

希不滅亡進其諛優繁其鐘鼓流於博塞

戲其工瞽誅其良臣教其婦女

唯與婦女為教從也

獠獵畢弋暴

遇諸父

其所接遇諸父惟以凶暴

馳騁無度戲樂笑語式政既縣刑

罰則烈

言其法式之政既已縣曲至於刑罰惟益酷烈

內削其民以為攻伐

反

削生為伐功也

辟猶漏釜豈能無竭

漏釜則江海不能滿故必有竭也

此亦可

謂昔者無道之君矣桓公曰善哉桓公曰仲父既已語

我昔者有道之君與昔者無道之君矣仲父不當盡語
我昔者有道之臣乎吾以鑒焉管子對曰夷吾聞之徐
伯曰昔者有道之臣委質為臣不賓事左右

賓敬也

君知

則仕不知則已若有事必圖國家徧其發揮

良臣皆私其所有必

能於國家及其
發又普徧之也

循其祖德辯其順逆推育賢人讒惡不

作事君有義使下有禮貴賤相親若兄若弟忠於國家
上下得體居處則思義語言則謀謨動作則事居國則
富處軍則克臨難據事雖死不悔近君為拂遠君為輔

義以與交廉以與處臨官則治酒食則慈不諂其君不

毀其辭君若有過進諫不疑君若有憂則臣服之

服行也

此亦可謂昔者有道之臣矣桓公曰善哉桓公曰仲父

既以語我昔者有道之臣矣不當盡語我昔者無道之

臣乎吾亦鑒焉管子對曰夷吾聞之於徐伯曰昔者無

道之臣委質為臣賓事左右執說以進不斲亡已

執倭說以

進於君專固寵

遂進不退

所謂知進而不知退

假寵鬻貴

假因也因君之

寵必能

尊其貨賄卑其爵位

未必能貴其爵位但尊其貨賄而已

進曰輔

之退曰不可

進於君則言己能為輔弼退而私議則曰君不可輔

以敗其君皆曰

非我

由斯之人不肖故君有敗乃更推過於君云此非我

不仁羣處以攻賢者

小人

所忌者君子故其羣處常有陷賢之見

見賢若貨

其見賢人無敬恭之心反欲規利若求貨然

見賤若過

其見賤人無矜恤之心蕭然不顧若行者之過

貪於貨賄競於酒食

不與善人唯其所事

人有曲而事己與之交也

倨敖不恭不友善士

讒賊與鬪不彌人爭

其人見爭則恣令鬪無彌縫之心

唯趣人詔

制命

不問可不則向而順之言其接諛

湛湏於酒行義不從

從順也

不修先故

變易國常擅創為令迷或其君生奪之政

生猶奪政況於死後乎

保貴寵矜

懼寵而矜夸者則保依而貴重

遷損善士

善士則遷改而損棄之

捕援

貨人

其所捕追而援引者唯財貨之人

入則乘等出則黨駢

其貨賄之人與之同

國則同乘而等至其出也又用黨而駢並

貨賄相入酒食相親俱亂其君君

若有過各奉其身

奉身自潔推過於君也

此亦謂昔者無道之臣

桓公曰善哉

正言第三十四

闕

短語八

管子卷十一

管子卷十二

唐房玄齡註

侈靡第三十五

短語九

問曰古之時與今之時同乎曰同

天地四時既無所易故曰同

其人同乎不同乎曰不同

古淳而今澆古質而可與

政其誅

言今雖不同古可為復古

倍堯之時混吾之美

在下其道非獨出人也

倍帝倍也言二帝之時比屋可封美俱在下其能若

此亦言非有出人之山不童而用贍澤不弊而養

足

山無草木曰童弊竭也

耕以自養以其餘應良天子故平

以其自養之餘應天子之食

故天下平有時而賦曰良牛馬之牧不相及自

足則不人民之俗不相知

人至老死不相往來故不相知

不出百

里而來足

行者不出百里而來者所求足故也

故卿而無理靜也

雖立

公卿不理其

事以人靜故其獄一跽腓一跽屨而當死

諸侯犯罪者令

著一隻屨以恥之可以當死刑

今周公斷指滿稽斷首滿稽斷足滿

稽而死民不服非人性也敝也

今周公謂時所用法也稽考也罪滿而斷則從

而考之首滿其罪者亦從而考之應斷足所罪滿者又從而考之凡此欲以為慎審也罪定者死之然人尚不服其罪豈人性之然乎時爽故也

地重人載毀敝而養不足事末作而

民興之

載生也今地利既重人之生植穀物君則從而毀奪弊盡之所以養有不足人既惰於本業故

競起而事末作

是以下名而上實也

謂下但有農作之名不得自用而實皆歸於上也

聖人者省諸本而游諸樂

聖人察人之本游之於富壽之域則倍堯以前為然也

大昏也博夜也

夜謂暗昧之行也令人主至於博為夜事故也

問曰興

時化若何

謂度時興化其理若何也

莫善於侈靡

侈靡謂珠玉之用也管氏以為珠玉

者飢不可食寒不可衣然時共貴之君若不重不重則強者守之以招人故度時興化莫若重珠玉以為侈靡

賤有實敬無用則人可刑也

有實謂穀帛可賚而賤之無用謂珠玉可賤而敬之

若此則人之賢不肖可刑也

故賤粟米而如敬珠玉好禮樂而如賤

事業本之始也

言粟常人賤之賢者賚之如常人之敬珠玉末業常人賚之賢人賤之今則賢

者之好禮樂如常人賚末

業若此者可謂務本之始珠者陰之陽也故勝火

珠生於水

而有光鑒故為陰之陽以向日則火烽故勝火

王者陰之陰也故勝水

玉生於山而藏

於山故為陰之陰以向月則水流故勝水

其化如神

言珠玉能致水故曰如神也

故天子

臧珠玉諸侯臧金石大夫畜狗馬百姓臧布帛不然則

強者能守之智者能牧之賤所賚而賚所賤

粟米可賚而賤之珠

玉可賤而費之不然鰥寡獨老不與得焉均之始也

君不費而藏之則利

積於強智雖務鰥寡獨老無所與之今藏之者所以賑貧乏故為均之始

政與教孰急

政者立法

以齊物教者訓誘以感心用二者何先也

管子曰夫政教相似而殊方若夫

教者標然若秋雲之遠動人心之悲

標高舉貌秋雲悽慘有愁悴之容高

置且遠能生人之悲心喻教者憂人之不令見其戚容人亦為之傷悼之

藹然若夏之靜雲

乃及人之體鵬然若藹之靜

藹油潤貌鵬然和順貌夏雲之起油然含潤將降其

澤及人之體去除熱氣而和順雖有藹躁之人亦動人皆恬靜喻教者灑之溫辭而強梁者亦能感服之動人

意以怨蕩蕩若流水

教者若秋雲之動人意人意見動則自怨而蕩搖自怨而蕩搖則從

教若流水也使人思之人所生往教之始也身必備之

教者若夏雲之

順適故其人使人思之人既思之則生其善心教人之始必備此二者然後可也辟之若秋雲

之始見賢者不肖者化焉

教者既若秋雲始見而哀憐之又若夏雲之起而潤悅之

則天下之賢與不肖無不化焉敬而待之愛而使之若樊神山祭之

既從

聖化人則敬而來待愛而後使尊衛其君若樊落神山設祭而祈福者也賢者少不肖者多

使其賢不肖惡得不化

賢與不肖皆教而使

今夫政則

少則

即皆從教則人無所犯

若夫成形之徵者也去則

少可使入乎

欲成太平之形以知其徵驗者全用貧與能去則而使人斯太平之先兆也

富何如而可

問貧富之中通

曰甚富不可使

甚富則驕故不可使

甚貧不

知恥

甚貧則濫竊故不知恥也

水平而不流無源則遯竭

平而不流謂水也停

水無源必速竭

雲平而雨不甚無委雲雨則遯已

平雲少雨又無委雲以助

之其雨必遯已上二事為下有比例

政平而無威則不行

此則為政者愛威以為本也

而無親則流

但行仁愛無所偏親則其愛流漫賢智不盡力

親左有用無用則

辟之若相為有兆怨

雖曰當有所親而用親之理僻左則有為用者不為用者辟猶言有

中不中此但為怨兆而已親之無益也

上短下長無度而用則危本不稱

或復上得短而下持長其役用之不以度如此者或能懷怨以敗國故曰危本不稱也

而祀譚次

祖犯詛渝盟傷言

譚延也國敗絕祀之事延及次祖更有犯詛渝盟傷言之罪

敬祖

禰尊始也

祖禰人之始也

齊約之信論行也

詛盟欲為整齊要束之信所以論行

也尊天地之理所以論威也

天地以秋冬肅殺雷震電耀為威為政者所取則故

威不可弛之也薄德之君之府囊也

凡尊始論行論威為政者所當行德薄之君皆囊而

藏之故有

必因成形而論於人此政行也可以王乎

因必

王事之成形論考於人事此為政所行也遵而勿失故可以王也

請問用之若何

問用何

如必辨於天地之道然後功名可以殖

天地有尊卑恩威之序故明之

然後可以立功名也辨於地利而民可富通於侈靡而士可戚

戚親

也貴珠玉以賞士故士可親也君親自好事謂好為政之事強以立斷強立其志以斷

是仁以好任所謂悅人君壽以政年君壽以政年君所以壽考由為政以順年之四時

也令百姓不夭厲厲發疾也六畜遮育五穀遮熟遮猶兼也然後民

力可得用人俱富而力全可用也鄰國之君俱不賢然後得王若

賢則不可得而制難以王矣俱賢若何之問曰忽然易卿而移黜不肖立仁賢

忽然易事而化去故而取新變而足以成名革變舊弊故成名承弊

而民勸之承先代之弊而成能名故民勸勉之也慈種而民富流慈以勉種故人富

應言待感與物俱長應物而後言待感而後動所謂應天順人者也故與物俱長也故

日月之明

所謂與日月齊其明

應風雨而種

風時雨若則以天禮不失故也

天之

所覆地之所載斯民之良也

君人者德苞天地首出庶物有生莫能踰故曰人之

良不有而醜天地非天子之事也

不有上事而又醜惡天地之化此非天子

之民變而不能變是稅

及稅

之傳革

稅柱也革皮也稅之傳革則外革而

內不革也今人變而君不能變亦外革而內不革之類故取喻焉

有革而不能革不可

服輕君之心故不服也民死信

人無信不立故死在信也

諸侯死化

變通之以盡利不化則利竭故死

請問諸侯之化弊

弊謂久行而無益者

弊也者

家也

言國之弊則以家習不革

家也者以因人之所重而行之

非人所重

則當革也

吾君長來獵君長虎豹之皮

君好虎豹皮故來獵

用功力之

君上金玉幣

君上用金玉為幣故用功力

好戰之君上甲兵甲兵之

本必先於田宅

有田宅然後可以充甲兵之賦

今吾君戰則請行民之

所重飲食者也侈樂者也民之所願也足其所欲瞻其

所願則能用之耳

君之於人必足欲瞻願然後可用也

今使衣皮而冠角

食野草飲野水孰能用之

言士既乏於衣食則君之不能用也

傷心者不

可以致功

謂富者奢靡而有餘貧者窘悴而不足則傷心矣傷心則無聊而苟且故不能致功

故

嘗至味而罷至樂

謂富者先奏至樂及食至味而罷之

而雕卵然後淪

以

反之雕橑

力道反

然後爨之

皆富者所為也橑薪也

丹沙之穴不塞

則商賈不處

趨丹穴而求利故不處也

富者靡之貧者為之

富者所以得成

此侈靡則重并貧者而為之也

此百姓之急生百振而食非獨自為也

百姓既為富者所兼則怠於作業故能生此富者之靡富成此侈靡亦以百姓振起之故也豈富者能自為乎

為之畜化用

今欲為此畜貧富之法當變化富者之用也

其臣者予而奪之

謂臣富者今欲化之使貧或先少與而後多奪之也

使而輟之

既使之多所費徒用然後成其功

以而富之

或空言其利而今得富且取其物終之也

父繫而伏之

或加父罪而繫之子

必伏而破產以贖父也

子虛爵而驕之

或空與爵名而無其位以驕此人令有所貴用也

收其春秋之時而消之

富者先貯物以射春秋之利今則官自收而消也

有雜

禮我而居之

或有費用財物雜禮於我若此者順其意而居之

時舉其強者以

譽之

富而又強則為之作聲譽或令其有所統率

強而可使服事

服行也強者服事事必成

辯以辯辭

其有辯明者則令辯繁辭

智以招請

富而多智則使廉以招來而請謁也

標人

富而清廉則使為人標式

堅強以乘六廣其德以輕上位

君能堅意

強力以乘上之六者可以廣其德又可以分其上之任故位輕者也

不能使之而流徙此

謂國亡之却

若不能使任上之六者乃流移而徙之斯亡國之却也

故法而守常

謂古法得其法者則守常故而不革也

尊禮而變俗

流通之俗則當變之

上信而賤

文

文虛而寡用故戰之

好緣而好駟

子朗反緣即捐也駟馬之壯健者怯惡者必亂故弃之喻

姦人之雄亦亂國當絕

此謂成國之法也為國者反民性然後可

以與民戚

戚親也反者冥也順其性欲必敗亡若能反之然後有成可與之親也

民欲佚

而教以勞

勞致於耕整則有功

民欲生而教以死

死致於寇難則有功也

勞

教定而國富

積財故也

死教定而威行

致死則莫敢當其鋒故威行也

聖人

者陰陽理

言法陰陽之理

故平外而險中

此則舍陰於內發陽於外

故信其

情者傷其神美其質者傷其文

情盛則神滅也

化之美者應其

名實應其名故化美也變其美者應其時

事應其時故變美也

不能兆其端

者菑及之

來事之端不知其兆者常失於幾故災及之也

故緣地之利

緣順承也

從天之指

指意也當承順天之意也

辱舉其死

辱猶逆也逆天以舉事則死也

開

國閉辱

若能開國以納善言則辱可閉也

知其緣地之利者所以參天

地之吉綱也

知能順地之利則能參天地之吉綱

承從天之指者動必明

辱舉其死者與其失人同

逆天舉事故與失人同也

公事則道必行

公事則無擁故其道必行也

開其國門者玩之以善言

有善言可玩故開國以納

之奈其竿辱

亦既有辱當奈之何唯有報竿爵祭神以謝過耳

知神次者操犧

牲與其珪璧以執其竿

當令巫祝知神之次秩者操牲及珪璧執竿爵以禱神而謝逆

舉之家小害以小勝大

祭祀之費家雖有小損因此小損以勝大災

負其中

辰其外

既以謝過又當負中心無所專固有善則從無失外事之時也辰時也

而復畏強

長其虛

其有強大於己者則當長其謙虛之心而敬畏之也

而物正以視其中情

其於物也雖見外正猶未可信又當視其中情以驗之

公曰國門則塞百姓誰敢

教胡以備之

謂寇有至國門以塞百姓警衛而誰敢教者事至於此如何救而可

擇天下

之所有

謂不為天下之所疾者

擇鬼之所當

謂為神所福助者也

擇人天之

所戴

謂為人所戴仰者也而亟付其身此所以安之也

得此三德之人付其

身而任之雖有寇無若我何故安

強與短而立齊國之若何

謂寇賊既時強弓又

執短兵列陣而立以攻齊國若之何禦之此亦公問之辭高予之名而舉之高舉其名則歡

也悅重予之官而危之與之重官則不避危亡也因責其能以隨之猶

賊則疎之母使人圖之責知其能隨而任之則自課厲而無所顧望故寵納侮使人圖

也猶疎則數之母使人曲之因不寵任而疎已者則數加恩義以悅之無使人見

已怨陰謀曲求已隙者也此所以為之也撫人若此可以禦工大有

臣甚大將反為害謂大臣富有既臣且甚大吾欲優惠

除害將小能察大為之奈何言我且欲寬優此患漸除其害每見其小能則察知

其大欲為此事如譚根之母伐也譚深也此以大樹喻惡

何亦公之問辭也管子

伐大臣根黨盤

固事之母入

既未能誅且回事之

深刺黑

亦未可卒誅

之母涸

鯈謂探其深情常令見之無使涸竭也

不儀之母助

儀善也彼為不善無得助

佐之

章明之母滅

當發明不善令人皆知之無使昧滅也

生榮之母失

謂生

篡殺之心若草木之生榮此其可誅之時必不得失之

十言者不勝比

一謂令他事有十

言之苦不如

雖凶必吉

忍而容之屈而事之凶也惡稔易誅吉也

故平以滿

無事而總以待有事而為之若何

總謂收積也故使國家從故平安之時滿

積其財以無事之時收積至時散其積而用也

積者立餘日而侈美車馬而馳

多酒醴而靡

積謂富而積財者富而侈食美車多醴財有所散因其散而收之

千歲母

出食此謂本事

雖復千歲常令自食其財無使也外縣則富者之財可得而收之此積之本縣

人有主

縣謂繫屬也言欲繫屬於人必有所主主於財

人此治用

官既積財人則於官取之

以理其器用也然而不治積之市

謂不取官財以理其用翻乃積之於市使高價得其利也

一人積之下一人積之上此謂利無常

財既入市則公私共積之上雖

積一分下亦積一分可謂利無常也

百姓無寶以利為首

百姓無他寶唯以利為寶之首

一上一下唯利所處

利積多者百姓則從而歸之也

利然後能通通然

後成國

無利而不通則國亡也

利靜而不化觀其所出從而移之

利而不化者則由所出不變故也觀而移變之視其不可使因以為民等

等謂率而

齊之不可使謂其人非有文武之材又不任擇其好名
作役若此者使之率興利之人而齊之也

因使長民

其有好虛譽之名者則好而不已是以為國擇之使為興利者之長

紀

好名不已財乃功未成者不可以獨名
積財之功未成則無獨與

之事未道者不可以言名成功然後可以獨名

衆共言此人有

名事道然後可以言名然後可以承致酢

既有獨名又有言名然後

可以至於承先其士者之為自犯

人有士行當推以為先今反自先之是為

自犯其

後其民者之為自贍

人能興利亦當先之充國今乃後之是自為其贍不

也

憂國輕國位者國必敗

輕國位則有散居之心故國敗也

陳賡戚者謀

將泄

疎覺戚則有外顧之意故謀泄

毋仕異國之人是為失經

異國之人所謂

非我族類者也今而仕之

毋數變易是為敗成

數變易則事繁

而無功故

大臣得罪勿出封外是為漏情毋數據大臣

之家而飲酒是為使國大消

飲酒於臣家則威權移焉物不兩盛故臣強則國消

也三堯在臧於縣返於連比若是者必從是囂亡乎

雖使

三堯在臧但懸其物而不散施之終亦不能守其物亡必不返於連比之臣臣既得之自用樹福則國從是囂

敗而亡乎囂即堯字也

辟之若尊譚未勝其本亡流而下

譚延也雖堯守

藏不施必亡猶如尊位將反而未能勝其本此位既不可得自然流而下者也

不平令苟下不

治凡始理下者必先能平令令既不平令雖下而不理者也高下者不足以相待自

其高欲下待上必不待之也此謂殺事立而壞何也兵遠而畏何也

此謂弑君之事其事既立而後壞如此者何也即以德不素積故也民已聚而散何也人

歸無道故輟安而危何也神不祐故也功成而不信者殆兵

強而無義者殘不謹於附近而欲來遠者兵不信欲來

必謹於附近然略近臣合於其遠者立略禮謂不繁也

於遠則合之若此後遠者來信也亡國之起毀國之族則兵遠而不畏

者則可以立功先自疎國之宗族漸以至三者若此國小而修大仁而

則兵皆逃遠無兵則威息故不畏也

不利猶有爭名者累哉是也

不量國之小好修遠大雖復行仁不遇其利而猶與

他國爭名是必自累者也

樂聚之力以兼人之強以待其害雖聚必

散

好自勉以聚力欲兼他人之強用此以禦危害如是者先難聚後必散

大王不恃衆而

自恃百姓自聚供而後利之成而無害

大王豈父為狄所攻乃去幽之

岐杖策而往百姓曰仁君也不可失扶老携幼而從之

一年成邑二年成都三年五倍其初言太王雖有衆不恃

但自恃其德故百姓隨而聚之供其所須而利之遂至於成功而無危害者也

疎戚而好外企

以仁而謀泄賤寡而好大此所以危

言自疎已親好交外人雖企慕於仁

而所謀多泄漏既賤且寡好衆而約

謂與衆為實取而為迂大凡此皆危敗之道也

言讓

謂實取彼物於言更成遜讓

行陰而言陽

於行實為陰密在言更成顯陽利人

之有禍

謂因禍而生利

言人之無患

人雖實禍於言乃為無患

吾欲獨有是

若何

凡此獨君之事也問獨有之何如自衆而約已下公問之辭

是故之時陳財之

道可以行今也利散而民察必放之身然後行

此乃古言

之陳設致財之道亦可行求於今然利散於下人則察而知之置之於身勿令下知然後可以行放置之言也

公曰謂何

問所以行之

長喪以黜其時

黜也居喪者毀厝之息謂增長居喪

之禮使人皆黜之敗也

重送葬以起身財

重送葬則費用廣憊慢則不及事由人習為精

屬庶事不急故能起身之財

一親往一親來所以合親也

謂一親往死一親來

生親無絕時
故曰合親

此謂衆約

人皆親教之重葬可以起財故曰衆要之也

問用之

若何

問用衆要

巨瘞塋所以使貧民也

瘞塋謂塋中埋藏處深暗也貧人雖無財

而有力故教之巨瘞塋以役其力也

美龍墓所以文明也

美墓高美文巨明而不滅也

棺槨所以起木工也

人習為棺槨則增長木工之工也

多衣衾所以起女

工也

習為衣衾則增長女工也

猶不盡故有次浮也

謂上之理猶有不盡也次浮謂

棺槨塋墓之外遊飾也

有差樊

樊蕃也謂塋墓之外樹以蕃其制尊卑之外此塋之次浮也

有

瘞藏

謂古之樊者或藏以金玉或以器物此棺槨之次浮也

作此相食然後民相

利守戰之備合矣

方喪之時孝子荒迷或不舉火鄰里為食以相飼如此則遞相銜親恩情

結回至於守戰之時必誠力齊敬而不能當之矣

鄉殊俗國異禮則民不流矣

流移也俗禮殊異則人各得其所安故不流移也

不同法則民不困鄉立老不

通覩誅流散則人不眺

立大也大老者各足於其所不相交通流散於其鄉則誅之今

其覩見如此則人安其本不眺望他所而歸之

安鄉樂宅享祭而謳吟稱號者

皆誅所以留民俗也

皆令安樂鄉宅享祭先祖其有謳吟思於他所者則誅之或有稱舉

號詠於他鄉者皆誅之

凡此皆欲留止人俗不令轉移

斷方井田之數

謂分人之地每斷定

其方而立之田

乘馬甸之衆

每一甸之衆數賦長轂一乘馬四匹謂之乘馬十六

井曰立四

制之陵谿立鬼神而謹祭

每大陵深谿皆有靈馬立鬼神之祠

使人皆以能別以為食數示重本也

人之大小皆各有材能多者食衆能

少者食寡故曰以能別為食數凡此皆重人本之事也

故地廣千里者祿重而祭

尊其君無餘

言不修祭以地與他若一者從而艾之謂

次當受封者艾謂臧削也言修祭之君受地與他同故曰若一者則削臧其地與次受封之君也

君始

者謂始為君者也艾若一者從乎殺與于殺若一者

言始受封之君本既

無地故取先受君者彼或不與從而殺之彼或自取與受而殺之彼自取與于始封者今與先受封者地均若

也從者艾艾若一者從于殺與于殺若一者從無封始

王事者上王者

言從者先無封令始王事故艾取他國之地與先者均齊若一則止也

上

事霸者生功言重本

言諸侯既受地分則上事霸主隨政命以生立其功凡此皆為重本

也是為十畝分免而不爭言先人而自後也

十畝猶區也

里之地每里為一畝故曰十畝若他國來分明勸勉官而與之不敢交爭如此者所以先他人自取其後

禮之司

言國官禮各有私

昭穆之離

離謂次位之別也

先後功器事之

治

功有大小器有精麤各定其先後之差也

尊鬼而守

尊鬼謂謹其享祭之禮也

故戰事

之任高功而下死本事

戰士雖有高下之殊各令死其本事也

食功而省

利勸臣

飼其有功省其無功則臣勸也

上義而不能與小利

上當操大義而主斷

不可顧小利而移也

五官者人爭其職然後君聞

官爭理職則國治故君名聞於

天祭之時上賢者也

謂助祭之時賢者居上為儀而已非能有所益

故君臣掌

祭者掌禮以行事所用其智謀或君有故使臣攝之事亦無曠故曰君臣掌也

君臣掌則上下

均曰臣能行君事故

此以知上賢無益也其亡茲適

祭祀之時

非不上賢但庸臣亦能行君之事無損於令主人雖云

上賢而不用其智謀與祭時適故曰無益既不賢則動

皆違理故

上賢者亡

謂空上之而已

而役賢者昌

役賢則功

茲適於危

成故上義以禁暴

義者所以除去不宜故禁暴也

尊祖以敬祖

祖始也尊立祖

廟所以敬始

聚宗以朝殺示不輕為主也

謂聚會也小之封宗以朝

於君而有親疎之殺

載祭明置

載行也言公將為行祭至明而置之欲人不知

凡此為主之重者也

也高子聞之以告中寢諸子

高子齊大夫聞君之將行故告中寢諸子諸侯諸子

之居中

中寢諸子告寡人舍朝不昃饋

常禮退朝常昃饋而食今不然

寢者

故致怪之

中寢諸子告宮中女子曰公將有行故不送公

言何

故不送公也

公言無行女安聞之曰聞之中寢諸子索中寢

諸子而問之寡人無行女安聞之吾聞之先人諸侯舍

於朝不昃饋者非有外事必有內憂公曰吾不欲與汝

及若

若不欲與汝論此言也

女言至焉不得毋與女及若言

至謂盡理

吾欲致諸侯諸侯不至若何哉女子不辯於致諸侯

婦人

無豫於外政故不自吾不為汚殺之事人布織不可得明於致諸侯之理

而衣

汚殺言然人必有所許殺染戮者所以伏遠而來近今既為人雖織不為己用故有布不得而衣言

此者欲桓公立威以服諸侯也

故雖有聖人惡用之

服者寡也后不用威聖人亦何能用

之堯為匹夫不能服三家即其事也

能摩故道新道定國家然後化時乎

摩謂新其事也故道謂先王之典刑新道謂度時而制法言能摩故道以成新道定國安家然後可以化時也

國貧而鄙富宜美於朝市國

言國朝貧而邊鄙富饒若此者邊鄙之邑必苞苴財

貨好遺朝以市權利也

國富而鄙貧莫盡如市

國富財故富鄙輸貨故貧其取半反

也其物莫知盡入於市以市人不虛取故鄙人不虛與故也

市也者勸也勸者所以

起本

善農者能多致市利則自勸而不怠故能起本也

善而末事起不侈本事

不得立

侈謂饒多也末事不饒多農事不給故本事不得立

選賢舉能不可得惡

得伐不服用

欲伐不服用必待賢能

百夫無長不可臨也

若無賢雖百夫

之長無

千乘有道不可修也

雖千乘之國有道以用之人為之則不可修營而伐之也

夫紂在上惡得伐不得

紂在上位萬人警之鬼神怒之雖其旅若林莫不倒于自伐故

無有伐而不得者也

鈞則戰守則攻

言伐紂者力鈞則與之野戰城守則固而攻之

百蓋

無築千聚無社謂之陋一舉而取天下有一事之時也

言紂人苟且雖有千聚之夫不立一社以統之如此者為政之陋也故武王一舉取天下而有之此萬代一時

之事

萬諸侯鈞萬民無聽

雖使萬諸侯鈞引於人上位人必不聽此言三者費

不能為功更制其能王乎

居上位不獨立其功不更共制之若此者必不能王也

緣故修法以政治道則約殺子吾君故取夷吾謂替

子

之子也其能緣順故常修理法制為政不違於道若此者可共謀要殺君子之不當立者吾君所以取夷吾為替者為有公曰何若問何以獨對曰以同以其德智其此道也取夷吾也

日久臨可立而待鬼神不明

謂君子不當立者雖久臨其位危亡可立而待其享

祭鬼神之禮

囊橐之食無報明厚德也

此論桓公之隱雖以囊橐之食

遺人不求其報

沈浮示輕財也

其散施於人不顧其沈所以明厚德也所以示輕財也不得其

報曰沈得報曰浮或曰祭川曰沈浮也

先立象而定期則民從之

先立法象與人

定期人則率服皆順從也

故為禱

謂先人禱神祈福祥

朝縷綿明輕財而重名

縷

也言每於朝置綿以賞賜所明者輕財而重名者也

公曰同臨所謂同者其以先

後智渝者也

所謂臣德同君者能先後於君其遇危難則智謀變而通之詩所謂予曰有先後者

也鈞同財爭依則說

假令財與人鈞同人則悅而爭依於己

十則從服

若

十倍多彼則服而從之

萬則化成功而不能識

若財萬倍多彼則變化而無不如意

故可以成功而觀者莫能識之

而民期然後成形而更名則臨矣

言人心期

以為主相與樂推然後成形於以請問為邊若何

問所防

禦邊對曰夫邊日變不可以常知觀也

邊者兩國交爭寇敵同鄰日有

變當應機而動故不可以常智亂

民未始變而是變是為自亂

未變者應機未

發且當常而伺之今人未當安而輕為變此謂先時也更益其亂故曰是為自亂也

請問諸邊

而參其亂任之以事因其謀

諸變則四變也謂參驗知其委變之亂然後以事任

之因其所謀而用之此已上公問之辭也

方百里之地樹表相望者丈夫走

禍婦人備食

謂百里之國自國都至邊境每於高險之處樹立其表使遞相望其有寇賊之禍丈

夫則走而奔命婦人則備食以給之也

內外相備

外拒寇以防內內備食以給外故曰相備也

春秋一日敗曰千金稱本而動

春秋種穀尤為農要此二時而有戰但經一日

敗費千金故為國者必當稱本而動也

侯人不可重也唯交於上能必於

邊之辭

侯人謂謁侯之來入國者侯人入國或伺我虛實覘我動靜不可使重之唯有能與上交必定

邊境之辭至國不

易者其可重也行人可不有私不有私所以為內因

也

行人使人也若何而可唯不有私耳無私則意成故能為國內成事者也

使能者有主矣

而內事

使人出境必有所主其所主者欲成內國之事

萬世之國必有萬世之

寶

無萬世之寶不能成萬世之國也

必因天地之道

天地之道順以動者也

無使

其內使其外

應內而外失外情也

使其小毋使其大弃其國寶

應小

而失大事之宜大臣國之寶也今非理使之故曰弃國寶也

使其大賈一與而聖稱

其實使其小可以為道

謂使其大臣當尊之一與其事必無轉移如此則舉輒有成能

立聖人之功能則專專則佚

使得其能於事必專能

踰則緣於踰

緣猶梯也謂鑿緣以為梯凡欲蹈越高遠必因梯而後能若不因梯直欲踰之則不

能踰矣然則踰因梯而踰矣此喻成功必有良臣賢佐然後事遂而名立也

能宮則不守而

不散

宮謂防禦之國四國也能有四國之宮則衆能伯不有寇難若無宮直欲守之其衆必散也

不然將見對

伯長也謂材能之士衆必能為之長若不

雄之道也君子者勉於紕人者也

君子者德民之稱故但非

見紕者也故輕者輕重者重前後不慈

輕謂臣人重謂君也凡君臣所

以能相慈者輕能事重重能制輕然後慈惠之心油然而生矣今輕自在輕重自在重或前或後不相交接否之謂也何慈

凡輕者操實也

臣須君食故必操君實也

以輕則可使

而輕

操實則重不可起

輕重無實則輕重有齊重以為國

重不可起

者重

者重

不限則輕以為死

可以道使輕

毋全祿貧國而用不足

全欲

其祿不以與下則賢去而人散故國適貧而用適不足也

毋全賞好德惡亡使常

雖

好德全賞而不與雖曰惡亡所使者乃常人若此者敗亡之道

請問先合於天下而無

私怨

謂與天下合同人皆樂推故無私怨也

犯強而無私害

雖犯於強乃以公義故無

私害謂貢楚苞茅之比也

為之若何對曰國雖強令必忠以義

令忠以義

雖強必國雖弱令必敬以哀令敬以哀雖弱必免也強弱不犯則

人欲聽矣犯雖輕弱則人違之先人而自後而無以為仁也先人自後

大國禮之何加功於人而勿得施功而不求於報也所橐者遠矣

橐貨而國民者當遠之也所爭者外矣交爭無禮者當遠之外也明無私交則無

內怨私交則不公而偏故內怨起之與大則勝能親與大國故得勝私交衆則怨

殺夷吾也使君私交者夷吾之由故恐衆怨而殺之如以子人財者不如無

奪時如以子人食者不如毋奪其事不奪其事則各安其業食無不足也

此謂無外內之患事故也財食足則外內之患忘也君臣之際也君臣

非有骨肉之親但

以禮義相接也禮義者人君之神也

禮義在則君尊臣卑萬人以寧

故曰且君臣之屬也

以義相屬親戚之愛性也

相親相愛性也使君

親之察同索屬故也

索求也君親之於臣子同求其愛敬矣故事也臣雖屬君當以事親

之故使人君不安者屬際也

使君不安其位者則臣但以義際君無愛敬故也

不可不謹也

臣無愛敬或化為仇敵故不可不謹之也

賢不可威

威賢則邦國殄瘁

能不可留

材能當引用之不

杜事之於前易也水鼎之

汨也

姦凶之事先其未然而杜塞之則甚易猶水之在鼎以烹之食事亦不擾也

人聚之壤

地之美也

由是地美故人聚之也

人死之若江湖之大也

人所以為君致

死者則君量若湖水求珠貝者不令也君之於人有所簡擇若求珠貝

之為也人必逐神而遠熱交解者不處兄遺利君之於人也使

敬之若逐神長之若遠熱其逐神者交解祭祀不敢留處其遠熱也雖有兄弟之親亦遺利而去君之尊嚴莫

與大誰敢夫事左謂人君行中國之人觀危國過君而

弋其能者豈不幾於危社主哉中國謂得禮義之中國也弋取也中國之人見

危國過君不能用賢道為已用利不可法故民流神不

如此則過君之社主近於危也神亦不得其法不知神之所在故天地不

可留故動化故從新天施地化日夜不息故能生成不已以天地變不可留傳故動化其

故以就其新然亦循故之四

是故得天者高而不崩

謂得

時周而復始無所易之也

天變化日新之理故能常得人者卑而不可勝

得人則衆歸之

保其尊高而不崩壞者也

故雖卑是故聖人重之

謂重君也

故至貞生

不可勝

至信至貞正也謂正心生則至信生而應之也

言往至絞生

絞謂急言私已今空以言

往而無其實則至

絞已言生而應至自有道

正生則信至言往則絞來皆有因而然故曰至自有

道不務以文勝情

以文勝情情彌虛也

不務以多勝少

少是能正衆非故多

不能不動則望有厲

君子儼然不動則望者如牆焉

旬身行

旬均也君子身行必

令均平

法制度量王者典器也

理國之常器也

執故義道畏變

也

君人執守故義以專於道者畏輕躁之人妄有所變也

天地若夫神之動化變

者也天地之極也

若能祀神而動化變流弊天地之極理善莫大焉

能與化起

而王用則不可以道山也

若能隨神化而起王有天下其所運用則不可以常道格

之其富饒取

仁者善用智者善用非其人則與神往矣

類於山也

非其人尚能用之則明無不用如

此者可謂通靈合契與神往來也

衣食之於人也不可

以一日違也

一日違衣食生理或幾乎不全也

親戚可以時大也

謂時大聚

會之以結

是故聖人萬民艱處而立焉

人者難靜而易授故聖人處立

其恩意

其上帝常有戰兢之心畏難之也

人死則易云

死者無所為不憂其為亂故易云也

生則難

合也

生者有利欲之心合而無防或生姦謀故難合

故一為賞再為常三為固

然

謂一時行其賜人則欣賴以為賞頻再為之則人以為常謂至此時必當有賞頻三為之則以為理固當

然無懷愧之心

其小行之則俗也

若小行其賞則人習之久之以為俗無過厚之恩也

則禮義

久而一行厚賞則人荷德而懷恩此禮義之正者也

故無使下當上必行

之

無使下人每至時承當君上必行之賞也

然後移商人於國非用人也

既下

不希上賞則專意於市故商人皆移來入國也

不擇鄉而處不擇君而使

商人常隨

利往來故不擇鄉又不擇君

出則從利入則不守

商人出國唯從利焉其入國遇寇難

則恒怯而苟免不為君城守也

國之山林也則而利之

商人雖不為國用亦有利於國

猶山林也隨取而得其利
則當容受而取其利也市塵之所及二依其本
市則衆聚

喧囂尤多塵埃今使工商二族
依之以爲本此亦處物之宜也故上侈而下靡
得商賈之利故

上侈而下靡而君臣相上下
得商工之用故依之章著上下之儀相親則君臣之

財不私藏
相親則情公故不私藏財然則貪動枳而得食矣
枳棘者所爲

塞也農人貪商賈而動者則多枳塞
其幸者但得貪食而已無餘利也徙邑移市亦爲數

一
其有田邑之人今移於市此亦爲費數而得一耳也問曰多賢可云
問多賢之理可言不

對曰魚鼈之不食呬者不出其淵樹木之勝霜雪者不

聽於天
霜雪不能殺是不聽於天也士能自治者不從聖人
能自治者則有

餘不從聖人而求之也

豈云哉

能自理則雖聖人不能致自斯之外何可云者

夷吾之聞

之也不欲強能

材能之士心不慕已勿強引之也

不服智而不牧

士之材智

上不服則勿養之

若旬虛期於月津若出於一明然則可以虛

矣

匝一月日期津明潤貌君人之道當若每旬之虛而任數自期以來日既至津然後出一明矣如此虛而

任數理足自明人但虛懷接物賢才自至亦猶是也

故阨其道而薄其所予則士

云矣

士之道藝則能阨而服之至人所與則薄而少之如此則必自來其理可言也

不擇人而

予之謂之好人不擇人而取之謂之好利

遇人則與無所簡擇可謂

多所愛所愛多不當

審此兩者以為處行則云矣

兩者謂不擇取與不擇而取寧

不擇而與用此以為處身之行則其理可云矣

不方之政不可以為國

不方之政謂邪

也曲靜之言不可以為道靜謀也節時於政與時往矣凡

節度當合於時所

施政教與時俱往不動以為道齊以為行

守正不動以為道齊整肅

然以此為行也

避世之道不可以進取

苟避世則晦明藏用若無所能故不可進取

陽者進謀幾者應感

顯明其事者欲進而為謀幾理之動唯應所感也

再殺則

齊

一殺尚有參差必再殺然後可齊文王再駕伐崇武王再伐紂也

然後運可請也

齊既

則天下服故請問歷數之運將陟帝位也陽者進謀已下公問之辭也

對曰夫運謀者天

地之虛滿也合離也

言歷運之謀崇替相因若天地之有滿虛合離乃理之不可已者也

春夏為合
秋冬為虛

春秋冬夏之勝也

若無春秋冬夏之變則不能相勝而成歲有道之茂

無道亦

猶是也然有知強弱之所尤然後應諸侯取交

尤殊絕也謂應

運而王者必有智而強殊絕於眾
然後應諸侯可以取天下之交

故知安危國之所存

以時事天以天事神

謂以神禮事也

以神事鬼

謂依時而享鬼也

故國

無罪而君壽而民不殺智運謀而雜繫刃焉

雖用智運謀亦須威

以成之故曰

其滿為感

感則物應故滿也

其虛為亡

亡則物散故虛也

滿虛之合有時而為實

滿時為實也

時而為動

虛時為動散也

地陽

時貸

地在陽時假貸萬物精氣以長養也

其冬厚則夏熱其陽厚則陰寒

厚謂過於寒熱冬有極寒夏有極熱夏有極熱冬有極寒是故王者謹於日至

謂冬至

也當知二至

故知虛滿之所在以為政令

知其寒熱之虛為時令以

順之已殺生其合而未散可以決事

時冬時既有肅殺其萌芽內發欲生也然

其時方寒合而未有時將合可以禺其隨行以為兵

謂

事端初見也謂夏末初秋之時寒涼方至將凝合初見其禺隨此時而行可以為兵威也

分其多少

以為曲政

兵之所由各有多少隨其多少委曲為政

請問形有時而變乎

謂

年多吉

凶對曰陰陽之分定則甘苦之草生也

陰陽之分定於

吉則有甘草生薺是也定於凶則苦草生葶藶是也

從其宜則酸醎和焉

謂從四時之宜

以酸醎之味和而食焉

而形色定焉以為聲樂

酸色青醎色黑

若春多酸冬多醎是也

青聲角黑聲羽夫陰陽進退滿虛亡時其散合可以視

言定色而生聲

歲唯聖人不為歲

言陰陽滿虛散合可視知歲之豐荒也能知滿虛奪餘

滿補不足

聖人善識滿虛之所在故奪有餘者補於不足

以通政事以贍民常

或滿與虛萬人均平故能通

地之變氣應其所出

謂地見災

連政事贍足於人使修常道

變之氣應其所出水之變氣應之以精受之以豫

水見災變

之處設法以豫之

之氣則當應之以精誠其祥不弭

當受之者須預有所防備之也

天之變氣應之以正

謂五行

天見災變之氣唯

且夫天地精氣有五不必為沮

謂五行

時也其時之氣不能必則為沮敗也其亟而反其重敗動毀之進退即此

數之難得者也

其為沮敗也或纔有形而違反者或遲重滯礙久而不去者或發動而有所毀

傷者或乍進乍退者凡此皆災敗之數難得而知之者

此形之時變也

謂歲年之形有變也

沮平氣之陽若如辭靜

言欲沮敗平和之陽氣然至餘而無形聲如辭言之靜者

氣之潛然而動愛氣之潛然而哀胡得而治動

吳之餘氣潛然

發動愛憐之氣已潛然而哀則氣候之動難知者也故曰胡得而治動自沮平已下公問之辭

對曰得

之哀時位而觀之

得其沮氣衰敗之時立分位而觀察之

怡美然後有輝

怡深思貌謂深得其美理然後情魂悅而貌輝然也

修之心其殺以相待

既知災氣之所

召則修德於心以禳之其凶殺之至必有以待之

故有滿虛哀樂之氣也

當察災而

德禳或滿而樂或虛而哀也

故書之帝八神農不與存為其無位不

能相用問運之合滿安藏

易之所序五帝謂伏羲神農黃帝堯舜書之所記三王夏

殷周然於八帝之中神農所存事迹獨少則以不為位以觀災處氣又不用公問自今之後運之合滿何所藏

隱可得知之乎

二十歲而可廣十二歲而聶廣百歲傷神

管氏對曰

從今之後二十歲天下安寧德義可廣又十二歲代將亂而攝其廣又百歲之後天下分崩鬼神之神祀絕矣

周鄭之禮移矣

禮移則俗變也

則周律之廢矣

周之法則壞矣

則中國

之草木有移於不通之野者

時既戰爭廢於農事稼穡之地荆棘生焉故草之屬

移變於不
通之野

然則人君聲服變矣

聲謂樂聲衆也則聲服俱變

則臣有

依馬之祿

依稱也代衰則臣富故臣多養駟馬及其受祿又以稱之

婦人為政鐵之

重反旅金

君幼則母后為政鐵者所以為兵器當重之謂下流卑識不重鐵反旅陳於金而玩之者

也而聲好下曲食好醎苦

謂聲之下而悲者食多醎則苦之味者婦人之所好則

人君日退亟

既使婦人為政則百度昏人君之退衰也豈不亟哉

則谿陵山谷

之神之祭更應國之稱號亦更矣

更改也國衰則神之祀改其所應祭國之

稱號亦更矣市朝既變後聖既作故改其國號

視之亦變

旌麾之屬日視而取節今變矣觀之

風氣古之祭有時而星

或祭星以祈風氣之和者也

有時而星熿星

之明或有

祭明星者有時而燠

燠熱甚也謂旱熱甚而祭

有時而胸

胸遠也或遠而為來

歲祈福而祭之也

鼠應廣之實陰陽之數也

鼠憂也凡此皆君之憂人故廣為祈

福祥而祭之調陰陽為物也

華若落之名祭之號也

言祭時為物作美號若花落之


益物益其光輝

是故天子之為國圖具其樹物也

管子卷十二

謹案卷十二第七頁後一行好緣而好駟案此條
正文及注皆未詳好駟似棄駟之誤





總校官庶吉士

臣侍

朝

校對官檢討

臣

王鍾健

謄錄監生

臣

王心仁

欽定四庫全書薈要

子部

管子卷十

三五

臣
王杰詳校
詳校官主事臣陳木



管子卷十三

唐 房玄齡 註

心術上第三十六

短語十



之在體君之位也

心之在體當身之中九身之運為皆心之所使故象君位

九竅

之有職官之分也

九竅則各有職司不能以此代彼若百官之有其分也

心處其

道九竅循理

心之君處常能順道則九竅所司各循理而應也

嗜欲充益目不

見色耳不聞聲

君嗜欲充益動違道則九竅失其由故目有所不見耳有所不聞也故曰

上離其道下失其事

上順道則下事得

母代馬走使盡其力母

代鳥飛使弊其羽翼母先物動以觀其則動則失位靜

乃自得道不遠而難極也

能走者馬也能飛者鳥也今不任鳥馬之飛走而欲以人

代之雖盡力弊翼而終竟不能盡以喻君代臣亦然故曰不遠而不得故曰難極也與人竝處而

難得也虛其欲神將入舍

但能空虛心之者欲神則入而舍之

掃除不潔

神乃留處

不潔亦喻情欲

人皆欲智而莫索其所以智乎

所以智者

虛心以循理也

智乎智乎投之海外無自奪

但能虛心循理其智雖便遠投海外

虛心用之他母從而奪之也

求之者不得處之者

將欲求之智終不知其處而得之也

夫正人無求之也

智既不可得故人亦無從而求之

故能虛無虛無無

形謂之道化育萬物謂之德君臣父子人間之事謂之

義

人事各有宜也

登降揖讓貴賤有等親疎之體謂之禮簡物

小未一道殺修禁誅謂之法

謂簡擇於物未有能與道為一者乃殺戮禁防之此

法之用也

大道可安而不可說

大道無形無聲者也體神而安之則有理存焉如欲說之

無緒可言

直人之言不義不顧不出於口不見於色四海之

人又孰知其則

謂安道之君子雖人言其不義驚然不顧言既不出於口理又不見於色言理

既絕四海之人誰有能知其則義哉

天曰虛地曰靜乃不伐

言能體天而虛順地而靜

則道德全備

故不可伐也
潔其宮

宮者心之宅猶靈臺也

開其門

門謂口也開口使順理而

言下解中門

謂耳目也
去私毋言

謂無私言

神明若存

宮潔無私則神存

紛乎

其若亂靜之而自治

雖紛然而亂但靜而順之則自理也

強不能偏立智

不能盡謀

忘德與智然後所謀立能通而盡

物固有形形固有名名當

謂之聖人

立名當物所以稱聖

故必知不言無為之事然後知道

之紀

道以不言無事為紀

殊形異執不與萬物異理故可以為天下

始

君人者必殊形異執與物同理故可以為天下主

人之可殺以其惡死也不若

惡死雖殺無益

其可不利以其好利也

若不好利雖不利之亦無憾也

是以君

子不怵乎好

怵止也不止人好利之情下解中作怵

不迫乎惡

不迫移人惡死之意

恬愉無為去智與故其應也非所設也其動也非所取

也

故事也既忘智則事自去

過在自用

自用不順理則生過

罪在變化

小聰明變舊章

則成罪也

是故有道之君其處也若無知

寂泊至

其應物也若

偶之

若符契自然而合也

靜因之道也

凡此皆虛靜循理之道也

心之在體君

之位也九竅之有職官之分也

此以下上章之解也然非管氏之辭豈有故作

難書而復從而解之前修之制皆不然矣凡此書之解乃有數篇版法形勢之屬皆間錯不倫處非其第後此則劉向編校之日謂為管氏之辭故使然也今究尋文理觀其體勢一韓非之論而韓有解老之篇疑此解老

之類也耳目者視聽之官也心而無與於視聽之事則官

得守其分矣夫心有欲者物過而目不見聲至而耳不

聞也故曰上離其道下失其事故曰心術者無為而制

竅者也

心無嗜欲之為故能制於九竅

故曰君無代馬走無代鳥飛此

言不奪能能不與下誠也

君之能不預於下之誠凡為其所能無不誠

毋先

物動者搖者不定趨者不靜言動之不可以觀也位者

謂其所立也人主者立於陰陰者靜

靜為躁君故人主立於陰也

故

曰動則失位

失君位也

陰則能制陽矣靜則能制動矣

君亦能制

臣故曰靜乃自得道在天地之間也其大無外其小無

內所謂大無不包故曰不遠而難極也虛之與人也無

間虛能貫穿人唯聖人得虛道故曰竝處而難得世人

之所職者精也職生也言所稟去欲則宣宣則靜矣宣通

也去欲則虛自靜則精精則獨立矣獨則明明則神矣

神者至貴也故館不辟除則賢人不舍焉故曰不潔則

神不處人皆欲知而莫索之其所以知彼也其所以知

此也有此然後不修之此焉能知彼無此其則修之

此莫能虛矣虛者無藏也

此既修則彼不能虛
証者無能藏隱故也

故曰去

知則奚率求矣

率循也無知則
循理而自求也

無藏則奚設矣

既不能
隱藏則

無策謀可
以施設也

無求無設則無慮無慮則反覆虛矣天之道

虛其無形虛則不屈

屈端也

無形則無所位

趕也

無所

位趕故徧流萬物而不變

無物與之
同故不變

德者道之舍物得

以生

謂道因德以生
物故德為道舍

生知得以職道之精

得其生者生
由稟道之精

也故德者得也得也者其謂所得以然也

得道之
精而然以無

為之謂道

無為自然
者道也

舍之之謂德

道之所舍
之謂德也

故道之與

德無間

道德同體而無外內先後之異故曰無間

故言之者不別也

同體故能不別

間之理者謂其所以舍也

道德之理可間者則有所舍所以舍之異也

義者

謂各處其宜也禮者因人之情緣義之理而為之節文

者也故禮者謂有理也理也者分明以諭義之意也故

禮出乎義義出乎理理因乎宜者也法者所以同出不

得不然者也

有禮則有法故曰同出也

故殺僇禁誅以一之也故事

督乎法

督察也謂以法察事

法出乎權權出乎道

權道者事從之而出道也

者動不見其形施不見其德萬物皆以得然莫知其極

故曰可以安而不可說也莫人言至也

人無能言者理之至也

不

宜言應也

有時宜言則應物故

應也者非吾所設故能無宜也不

顧言因也

無所顧思者因舊故

因也者非吾所顧故無顧也

因舊也非

吾所為故無顧

不出於口不見於色言無形也四海之人孰知

其則言深圉也

不知深淺之圉域也

天之道虛地之道靜虛則不

屈靜則不變不變則無過故曰不伐潔其宮闕其門宮

者謂心也心也者智之舍也故曰宮潔之者去好過也

去欲好之過也

門者謂耳目也耳目者所以聞見也物固有形

形固有名此言不得過實實不得延名

不得無實姑形

以形以形務名督言正名

姑且也且言形者以其形也

故曰聖人不

言之言應也

言則言彼形耳於我無言

應也者以其為之人者也有

所為故聖人得不應執其名務其應所以成之應之道也

物既有名守其

名而命合之則所務自成斯應物之道

無為之道因也因也者無益無損

也損益者生有為以其形因為之名此因之術也

見形而後名非因而可

名者聖人之所以紀萬物也

萬物雖多立名以紀之也

人者立於強

必強然後有所立也

務於善

必善然後成人也

未於能

能未成者習而成之

動於故

者也

凡所運動必循於故致也

聖人無之

謂無宰物之心也

無之則與物異

矣

物有我無故異也

異則虛

異於有故虛也

虛者萬物之始也

有形生於無形

也

故曰可以為天下始

聖人體虛故為天下始也

人迫於惡則失其

所好

迫入於惡故失所好

怵於好則忘其所惡

為好所怵故忘其惡

非道也

二者皆非

故曰不怵乎好不迫乎惡惡不失其理欲不過其

情故曰君子恬愉無為去智與故言虛素也

凡知與言習從虛素

生則無邪欲也

其應非所設也其動非所取也此言因也因也

者舍已而以物

舍已而隨物故曰因

為法者也感而後應非所設

也緣理而動非所取也過在自用罪在變化自用則不
虛不虛則件於物矣變化則為生謂有為於營生為生則亂矣
故道賢因因者因其能者言所用也就能而用故曰因也君子之
處也若無知言至虛也其應物也若偶之言時適也若
影之象形響之應聲也故物至則應過則舍矣舍矣者
言復所於虛也

心術下第三十七

短語十一

形不正者德不來

有諸內必形於外故德來居中
形自正詩云抑抑威儀惟德之隅中

不精者心不治

精誠至之謂也中能誠至心事自理

中正形飾德萬物畢得

翼然自來神莫知其極

正外形飾內德則下觀而昭知化矣故萬物盡得其理也

天下通於四極

因物之義可以逆順故能昭知天下自近以及遠通達於四極

是故曰

無以物亂官

貪賄則官亂也

毋以官亂心

健義太甚則心亂也

此之謂內

德

官貨兩忘則內德也

是故意氣定然後反正

無欲則意氣定故能反正也

氣

者身之充也

氣以實身故曰身之充也

行者正之義也

行之不違中正之宜者也

充不美則心不得

充不美則氣邪故心亂而不自得也

行不正則民不服

行不正則邪枉故人不

服是故聖人若天然無私覆也若地然無私

載也私者亂天下者也凡物載名而來聖人因而財之

而天下治實不傷

因名而財則物宜之不與故天下之理不傷也

不亂於天下

而天下治

天地以及萬物皆有理存焉直莫之亂則是理矣

專於意一於心耳

目端知遠之證

但專意一心則耳目自端證知遠事也

能專乎能一乎能

毋卜筮而知凶吉乎

惠迪吉從逆凶豈勞卜筮而後知乎

能止乎能已乎

謂能止於已分

能毋問於人而自得之於已乎

誠已自通問人致惑故不問而

自得故曰思之思之不得鬼神教之

誠已思而不得必有鬼神來教非

鬼神之力也其精氣之極也

鬼神雖能教不精極者令有精極難思之極則神不

得不教豈鬼神

一氣能變曰精

謂專一其氣能變鬼神來教謂之精

一事

能變曰智

能專一其事能變而動之謂智也

慕選者所以等事也

來人之助

或占慕之或選擇之

極變者所以應物也

物窮則變變而通之我之

欲令其事齊等也

所由令極於變通之理應物者也

慕選而不亂

慕選則齊潔故不亂

極變而不煩

極變以順物

執一之君子執一而不失能君萬物

一謂精專

宜故不煩也

也既精且專故

日月之與同光天地之與同理

所謂與天地合

其德與日月合其明

聖人裁物不為物使

聖人者裁斷於物而使物不為裁而使已也

心安是國安也

聖心安是國安

心治是國治也

聖心治是國治

治也者

心也安也者心也

理與安一在於心然後國從也

治心在於中

理心在於適中

也

治言出於口

則無過

治事加於民

則無枉事

故功作而民從

則百姓治矣

功成人服非理而何

所以操者非刑也所以危者非

怒也

刑雖能操怒雖能危此之於道猶為末功物不能離道無不操違道必危是無不危也

民人

操百姓治道其本至也

必每人皆操道然後百姓理至如此則道為人本豈不至哉

至

不至無

無虛也所謂至者虛之道也

非所人而亂

非至虛而為天下主必亂

在

有司執制者之利非道也

有司執制常弃本逐末滯於刑政非道也

聖人之

道若存若亡

迎之不見其首隨之不見其後故曰若存若亡也

援而用之殺世不

亡道無形也無形則無與時變而不化應物而不移日

用之而不化無形則無人能正靜者筋肋而骨強則能和

氣全故筋能戴大圓者體乎大方必體大方然鏡大清

者視乎大明必視大明然正靜不失日新其德正靜者則理順

而功立故昭知天下通於四極既知天下則金心在中

不可匿金之為物彌精心之為用彌明故比心於金中

外見於形容可知於顏色其見於外或在善氣迎人親

如弟兄惡氣迎人害於戈兵不言之言聞於雷鼓至道之君

常言之言則人無不聞故同於雷鼓

金心之形明於日月察於父母

金心無不

耀無不知故明於日月察於父母知子無若於父母故以言焉

昔者明王之愛天下故

天下可附暴王之惡天下故天下可離故貨之不足以

為愛刑之不足以為惡貨者愛之末也刑者惡之末也

憂惡以為心本也故貨刑為末也

凡民之生也必以正平

正平則能所保全其生

以失之者必以喜樂哀怒

喜樂哀怒過常則失其主

節怒莫若樂節

樂莫若禮

樂主和故能節怒

守禮莫若敬

禮者敬而已矣故敬能守禮也

外敬

而內靜者必反其性

外敬則合禮內靜則循察故能反其性

豈無利事哉

我無利心豈無安處哉我無安心

亦既反性則忘其利安雖有利事安處茂

不足也心之中又有心

動亂之心心中又有靜正之心也

意以先言

意感而得言

意然後形

意感其事然後呈形

形然後思

有形則理可尋故思之也

思然後知

思然後得理故能知也

凡心之形過知失生是故內聚以為原泉

之不竭

內聚思慮則用之不窮猶泉之有源其可竭哉

表裏遂通泉之不涸四

支堅固

內和則外道表裏無擁故若泉之不涸而四支堅固也

能令用之被服四

固

但能用此道者則四支堅固被及其身也

是故聖人一言解之上察於天

下察於地

解則無不通物故能窮於上下

白心第三十八

短語十二

建當立

凡所建必建其當立者也

有以靖為宗

靖則思慮審為建事之宗

以時為

寶

建事非時雖盡善不成時為事實也

以政為儀

政者所以節制其事故為儀

和則能

久

又必當和同然後能久也

非吾儀雖利不為非吾當雖利不行非

吾道雖利不取

九此雖曰有利非吾儀也當也道也故皆不為之也

上之隨天其

次隨人

所謂應天順人也

人不倡不和人倡而和事無不成也

天不始不

隨

後天而奉天時則舉無不達也

故其言也不廢其事也不隨原始計

實本其所生知其象則索其形

謂君之出言人乃順而不廢其行事則有不隨

若此者當原其初始計其理實尋本其所緣其理則知
生則其象可知象既可知則其形可索也

其情

順理則見

索其端則知其名

索端則名自形

故苞物衆者莫

大於天地

萬物共在天地之中

化物多者莫多於日月

日陽也月陰也物皆

稟陰陽之氣然後化之也

民之所急莫急於水火

一日無水火則生理或有不全然

而天不為一物枉其時

冬不為松柏不凋輟其霜雪夏不為薺麥枯死止其雨露也

明君聖人亦不為一人枉其法

周公不以管蔡之親休其誅放也

天行

其所行而萬物被其利

冬行霜雪夏行雨露故萬物利也

聖人亦行其

所行而百姓被其利

行實於善人行罰於凶人故天下清而百姓蒙利也

是故萬

物均既誇衆矣

誇大也天與聖人無私故萬物均蒙其利既大而且衆也

是以聖人

之治也靜身以待之物至而名自治之

循名責實則下無隱情故理

正名自治之奇身名廢

奇謂邪不正音飢

名正法備則聖人無

事

正名法備則事無闕滯故聖人無事也

不可常居也

居必有時而遷

不可廢舍

也

廢舍則百度施素也

隨變斷事也

居變則不壅塞也

知時以為度

事非其時

則不成也

大者寬小者局

寬則有餘局則不足

物有所餘有所不足

有以

餘補不足則事平理均也

兵之出出於人

人為兵本

其人入於身

兵而有功

入其實賜必反於身

兵之勝從於適

適和也所謂師克在和也

德之來從於身

修身則故曰祥於鬼者義於人義於人者則鬼祐之以福祥也兵不義

不可兵不義而還強而驕者損其強弱而驕者亟死亡

違禮而驕無施而可弱而驕者則又其戾焉死之速不亦宜乎強而卑義信其強信音

弱而卑義免於罪是故驕之餘卑於驕有餘則卑之餘

驕於卑有餘則道者一人用之不聞有餘理繞用天下

行之不聞不足無不足於其人此謂道矣多皆足者道也小取焉則

小得福大取焉則大得福盡行之而天下服殊無取焉

則民反其身不免於賊殊無取焉則動皆違道左者出

者也

左為陽陽主生故為出也

右者入者也

右為陰陰主死故為入也

出者而不

傷人入者自傷也

出者既主生則不當傷人違而傷人是還自傷

不日不月而

事以從

但循道而往不計日月事已從而成也

不卜不筮而謹知吉凶

順道

則吉違道則凶豈

是謂寬乎形徒居而致名

守道者靜默而已故

須卜筮而知乎

其身寬閑徒然

去善之言為善之事故而顧反無名

而居能致令名

若能去言善直能為善事其事

能者無名從事無事

深

之成顧反之者默然無名也

能者無名從事無事

其事者必不求名然其從

審量出入而觀物所載

謂凡

事安然閒暇若無事然也

審量出入而觀物所載

謂凡

今當觀物載之所堪

孰能法無法乎始無始乎終無終

然後當量而出之也

孰能法無法乎始無始乎終無終

乎弱無弱乎

凡此皆謂為而忘之者也

故曰美哉第第

第第興起貌謂能為而不

為有契於道如此則功

故曰有中有中

舉事雖得其中而不為中乃是

美日興故曰美哉第第

有中孰能得夫中之衷乎

得於中之損折中者其唯忘中乎

故曰功成

也

者隳名成者虧故曰孰能弃名與功而還與衆人同

弃君

功名則與衆不異同於物者誰能害之也

孰能弃功與名而還反無成

弃功名則

無所成名

無成有譽其成也

能貴無成乃是成也

有成譽其無成也

若其

貴成乃

日極則仄月滿則虧極之徒仄滿之徒虧

謂月巨

之徒滅

謂能立大功也

孰能已無已乎效夫天地之紀

天地忘形者也

能效天地者人言善亦勿聽人言惡亦勿聽譽之不勸其唯忘己乎

持而待之空然勿兩之淑然自清但無心而待則淑然和美善惡自清也

無以苟言為事成察而徵之無聽辯無以旁譽之言以為事成功無聽其

利口之辯萬物歸之美惡乃自見萬物之歸當順而容言悅之也

顯見也天或維之地或載之天莫之維則天以墜矣地莫

之載則地以沈矣夫天不墜地不沈夫或維而載之也

夫天張於上地設於下自古及今而不沈墜者必有神靈維載之故又況於人人有治

之辟之若夫雷鼓之動也必有以而動也夫不能自搖者夫或

搔之

無識之物皆不能自搔
有時而動則物搔之也

夫或者何若然者也

風有時搖

動誰使然也

視則不見聽則不聞

謂風灑乎天下滿

風之洒散滿天下也

不見其塞

風無壅塞時也

集於顏色

寒者遇風則色慘熱者遇之則清也

知於肌

膚

惟肌膚能覺風

責其往來莫知其時

責問其往來則不得正時

薄乎其方

也

謂遇方則為方 韓乎其園也

韓復貌謂遇圓則為圓也

韓韓乎其門

雖復圓轉終不見其門也

故口為聲也耳為聽也目有視也手有指

也足有履也事物有所比也

今夫口手目足各有其在此非徒然也必精神之比夫

事物之動搖則風使之然然求風則不得語神亦不見之也

當生者生當死者死

或死

或生亦神
為之主

言有西有東各死其鄉雖其所居有東西之異至於各死其鄉則

無不置常立儀能守貞乎

人人理則置之常法立之儀則而勿失者可謂正乎常

事通道能官人乎

有能守其常事隨時變通不達於道如此者可以官於人故書其

惡者言其薄者上聖之人

聖通也既設法以教之立官以主之猶有惡薄而不化者

則書而陳之居上者然後化而通之也

口無虛習也手無虛指也物至而

命之

口之習也手之指也終不徒然必以事物之至或以手指之或以口命之

耳發於名聲

凝於體色此其可諭者也

名聲之至耳聽之內流於心外凝結於體色如此者性之

敏惠故可以不發於名聲不凝於體色此其不可諭者德義告諭也

不發於名聲不凝於體色此其不可諭者

也者不發不凝所謂頑鄙也故不可告諭也

及至於至者教存可也教亡可

也謂人可誘令至於所欲至如此者存亡教故教存亦可教亡亦可也

故曰濟於舟者和

於水矣

水和靜無有波浪則能濟舟

義於人者祥其神矣

與人理相宜則神與

之福

事有適而無適

事雖有所適可常者若無適然

若有適鰲解不可

解而後解

雖時有適潛默周密人莫知其由然結必待鰲而後解鰲所以解結也

故善舉

事者國人莫知其解

周密若結故不能知其解

為善乎毋提提為不

善乎將陷於刑

提提謂有所揚舉也欲為善乎則人以我謙退無所舉欲為不善又恐陷於刑

也罰善不善取信而止矣

善與不善足以為善不善之取也此言可以為善不善之取也

若左若右正中而已矣縣乎日月無已也

左陽謂善也右陰謂不善也

也言處陰陽之中得其正而止若能常得中則名與日月俱懸而無已時也

惛惛者不以天

下為憂

惛惛守正者忘天下故不憂也

刺刺者不以萬物為筴

刺刺操求自謂

智謀之士能忘智當操求物理而經營切為策也

孰能弃刺刺而為惛惛乎

智者

勞而失惠忘德者佚而歸之也

難言憲術須同而出

凡為法術必重難須同衆心然後出

之無益言無損言近可以免

又曰何謀此慎密之至故

曰知何知乎謀何謀乎

雖知之常曰何知雖謀之常曰何謀此慎密之至

審而

出者彼自來

審而出者必同於彼故自來

自知曰稽

自知則能考彼矣

知人

曰濟

知人則能可以濟同不以和濟同也

知苟適可為天下周

自知能稽知人能濟

所謂道也若此可為天下之周慎也

內固之一可為長久

適可以知內自固之則長久

論而用之可以為天下王

既固於心度時論用天之王如此可以為天下王天之視

而精

既可王天下則於天道故視天能精之也

四壁而知請

四壁周禮所謂四珪有邸者也

祭天

所奠也同邸於壁故曰四壁既能

壤土而與生

既天

知天

則祭以四壁而祈請其福祥也

降福

故壤土為之生百穀也

能若夫風與波乎唯其所欲適

風動波應大小

唯所欲適天地之應聖人亦猶是也

故子而代其父曰義也臣而代其君

曰篡也

臣代於君必是篡奪而取也

篡何能歌武王是也

武王以臣代君則非

纂也謂之纂之豈能使紂之衆前歌
後舞乎則武王以臣代君於理是也
故曰孰能去辯與

巧而還與衆人同道

武王伐紂所以不為纂者則以紂恃其辯巧自異於物逆天絕理毒

流四海故也向能去其辯巧與衆同道
何武王之取竊哉雖欲伐之故得纂名
故曰思索精者

明益衰德行修者王道狹

思索太精則矜名故王道狹也

臥名利者寫

生危

臥猶息也寫猶除也息名利則除身之危

知周於六合之內者吾知

生之有為阻也

周其智於六合則神傷竭故於其生有阻難也

持而滿之乃其

殆也

持滿者善覆故危也

名滿於天下不若其已也

名滿於天下則花揚而實

喪

名進而身退天之道也

未有能名身俱進者

滿盛之國不可以

仕任

滿盛則敗亡故不可任其仕也

滿盛之家不可以嫁子

嫁子於滿盛之家則與之驕倨傲暴之人不可與交交於驕暴則危亡及已也

道之大如

天

無不覆也其廣如地無不載也

其重如石

萬人之力不能舉也

其輕如羽

一人載之不為重

民之所以知者寡故曰何道之近而莫之與

能服也

服行也

弃近而就遠何以費力也

道近在身不能求之於已而望之於人終無得時故曰費力也

故曰欲愛吾身先知吾情

知己情則能自保其身

君親六合以考內身

遍六合之種一一考之於身身以皆備之則何須弃身而遠之也

此知象乃知行情

於身知象乃知可行之情

既知行情乃知養生

知行

情則不違理不違理則生全故曰乃知養生

左右前後周而復所

行身之道或從左右

或從前後行之既周還復本所也

執儀服象敬迎來者

執常儀行常象將來可行之理

敬而迎之

今夫來者必道其道

上道從也將來之理必道而來從也

無遷無衍

命乃長久

理既從道而來但遵而行之無遷

和以反中

形性相葆

事既安和反歸中理如此則形全性順故能相保也

一以無貳是謂知

道將欲服之必一其端而固其所守

固守則道自行

責其往來

莫知其時

若責生之往來則期不定

索之於天與之為期

求性命之理於天則

期時可知也

不失其期乃能得之

既不失期則性命之理得也

故曰吾語

若大明之極

若女也大明之極謂天也

大明之明非愛人不予也

愛惜

也非有所隱惜於人而不與之也

同則相從反則相距也

與天同則從反則距也

吾察反相距吾以故知古從之同也

察今反則有距故知古之從者以其

也同

管子卷十三